



Broj: 02-05-18281-39/14
Sarajevo, 05.06.2014. godine

Na osnovu člana 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst i 38/13), Vlada Kantona Sarajevo, na **69.** sjednici održanoj **05.06.2014.** godine, donijela je sljedeći

ZAKLJUČAK

1. Utvrđuje se Prijedlog odluke o uređivanju javnog prijevoza lica zaprežnim vozilima - fijakerima.
2. Predlaže se Skupštini Kantona Sarajevo, da u skladu sa Poslovníkom Skupštine Kantona Sarajevo, donese odluku iz tačke 1. ovog Zaključka.

VRŠILAC FUNKCIJE
PREMIJERA
Muhamed Kozadra dipl.ecc.

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo saobraćaja
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. tačka b. Ustava Kantona Sarajevo ("Službene novine Kantona Sarajevo", br. 1/96, 2/96-ispravka, 3/96-ispravka, 16/97, 14/00, 4/01, 28/04 i 6/13), člana 10. stav 2. alineja 3. Zakona o cestovnom prijevozu Federacije Bosne i Hercegovine ("Službene novine Federacije BiH", br. 28/06 i 2/10) i čl. 9 i 11. Zakona o obrtu i srodnim djelatnostima ("Službene novine Federacije BiH", br: 35/09 i 42/11), Skupština Kantona Sarajevo na sjednici od _____ 2014. godine, donijela je

PRIJEDLOG

ODLUKU O UREĐIVANJU JAVNOG PRIJEVOZA LICA ZAPREŽNIM VOZILIMA - FIJAKERIMA

POGLAVLJE I – OPĆE ODREDBE

Član 1.

(Predmet)

Ovom Odlukom uređuju se način i uslovi vršenja prijevoza lica zaprežnim vozilom – fijakerom (u daljnjem tekstu: fijaker), i to:

- a) uslovi koje treba ispunjavati lice koje vrši prijevoz fijakerom;
- b) uslovi i opremljenost fijakera;
- c) pregled fijakera u svrhu provjere ispunjavanja propisanih uslova;
- d) izdavanje rješenja o radu;
- e) evidencija izdatih rješenja i evidencijskih tablica za fijakere;
- f) oblik i izgled evidencijske tablice;
- g) uniforma lica koje obavlja prijevoz fijakerom;
- h) obaveze lica koje vrši prijevoz fijakerom;
- i) cijena prijevoza fijakerom;
- j) trasa kretanja fijakerom;
- k) radno vrijeme;
- l) pružanje usluga prijevoza i slučajevi kad lica koji vrše prijevoz fijakerom nije dužno pružiti uslugu prijevoza fijakerom;
- m) nadzor;
- n) kaznene odredbe;
- o) prelazne i završne odredbe.

Član 2.

(Definicije)

Pojedini izrazi upotrebljeni u ovoj odluci imaju isto značenje kao u Zakonu o cestovnom prijevozu Federacije Bosne i Hercegovine (u daljem tekstu Zakon).

POGLAVLJE II – USLOVI ZA OBAVLJANJE PRIJEVOZA ZAPREŽNIM VOZILIMA - FIJAKERIMA

Član 3.

(Uslovi koje treba ispunjavati lice koje vrši prijevoz fijakerom)

- (1) Prijevoz lica fijakerom može vršiti fizičko lice koje ispunjava slijedeće uslove:
- a) da je državljanin Bosne i Hercegovine
 - b) da je poslovno sposobno,
 - c) da je zdravstveno sposobno za obavljanje ove djelatnosti,
 - d) da nije mlađe od 18 godina i starije od 75 godina, neovisno da li se djelatnost obavlja kao osnovna ili dopunska,
 - e) da mu pravomoćnom sudskom presudom, rješenjem o prekršaju ili upravnim aktom nije izrečena zaštitna mjera zabrane obavljanja obrta dok ta mjera traje,
 - f) da posjeduje fijaker,
 - g) da posjeduje konja, koji je po nalazu veterinarske ustanove sposoban za obavljanje vuče fijakera,
 - h) da posjeduje policu osiguranja putnika
- (2) Fizičko lice može obavljati obrt kao osnovno ili dopunsko zanimanje ako ispunjava uslove propisane odredbama čl. 9. i 11. Zakona o obrtu i srodnim djelatnostima Federacije BiH.

Član 4.

(Uslovi i opremljenost fijakera)

Fijaker mora posjedovati slijedeću opremu:

- a) katadiopter bijele boje na prednjoj strani i crvene boje na zadnjoj strani fijakera, u skladu sa članovima 138. i 139. Pravilnika o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u saobraćaju na putevima ("Službeni glasnik BiH", broj 23/07);
- b) točkovi na fijakeru moraju imati gume, a fijaker može biti u jednoj od boja po izboru vlasnika fijakera;
- c) zobnice za konje od prirodnog materijala;
- d) kožni korbač;
- e) torbicu za novac;

- f) ular;
- g) prekrivač za konje i putnike;
- h) nepropusnu tamnozelenu vreću za zbrinjavanje konjskog izmeta, te predviđena mjesta za odlaganje istog;
- i) posjedovanje dokaza o stalnoj veterinarskoj zaštiti konja koji se koristi za vuču fijakera i dostavlja nadležnoj općini prilikom izdavanja rješenja za rad. (Izdaje nadležna veterinarska stanica);
- j) ostala oprema koja mora biti u skladu sa čl. 138. i 139. Pravilnika o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u saobraćaju na putevima ("Službeni glasnik BiH", broj 23/07).

Član 5.

(Pregled fijakera u svrhu provjere ispunjavanja propisanih uslova)

- (1) Pregled ispunjavanja uslova i opremljenosti fijakera iz člana 4. ove odluke, u postupku izdavanja rješenja o radu i u toku vremenskog perioda važenja rješenja o radu, ovlašteni policijski službenik nadležne policijske uprave i kantonalni saobraćajni inspektor vrše pregled fijakera.
- (2) O ispunjavanju propisanih uslova opremljenosti fijakera sačinjava se zapisnik.

POGLAVLJE III – IZDAVANJE I EVIDENCIJA RJEŠENJA O RADU I EVIDENCIJSKIH TABLICA ZA FIJAKERE

Član 6.

(Izdavanje rješenja o radu)

- (1) Nadležni općinski organ na području čije teritorije se nalazi trasa za obavljanje prijevoza fijakerom izdati će rješenje o radu i evidencijsku tablicu fizičkom licu koje ispunjava uslove za obavljanje prijevoza fijakerom, koji su propisan Zakonom o obrtu, ovom odlukom i drugim propisima.
- (2) Sadržaj rješenja usklađen je sa Zakonom o obrtu i srodnim djelatnostima, a pored obaveznog sadržaja u skladu sa Zakonom, sadrži i :
 - a) tačnu relaciju kretanja fijakera;
 - b) broj evidencijske tablice i
 - c) maksimalan broj putnika koji se mogu nalaziti u fijakeru.
- (3) Ukoliko se zahtjev odnosi na obavljanje djelatnosti u zaštićenom prirodnom području, rješenje o radu se izdaje uz prethodno pribavljenu saglasnost upravitelja zaštićenim područjem, a u skladu sa posebnim propisima.

Član 7.

(Evidencija izdatih rješenja i evidencijskih tablica za fijakere)

- (1) Evidenciju o izdatim rješenjima za prijevoz lica fijakerom vodi nadležni općinski organ koji je izdao rješenje o obavljanju obrta.
- (2) Evidenciju izdatih evidencijskih tablica vodi nadležni općinski organ.
- (3) Evidencija izdatih evidencijskih tablica za lica koja vrše prijevoz fijakerom sadrži slijedeće podatke:
 - a) broj evidencijske tablice;
 - b) ime i prezime vlasnika fijakera, osobne podatke, stalno prebivalište;
 - c) datum izdavanja evidencijske tablice.

Član 8.

(Oblik i izgled evidencijske tablice)

- (1) Svaki fijaker mora imati evidencijsku tablicu.
- (2) Evidencijska tablica je u smeđoj boji veličine 35 x 10 cm.
- (3) Obrubljena je bijelim okvirom debljine 0,5 cm, brojevi i slova su bijele boje i veličine 3 cm.
- (4) Grb Kantona Sarajevo je sa lijeve strane tablice i veličine je 5 cm, u sredini je natpis Sarajevo i evidencijski broj, a sa desne strane tablice je grb općine koja izdaje rješenje veličine 5 cm.

POGLAVLJE IV – OBAVEZE LICA KOJE VRŠI PRIJEVOZ FIJAKEROM

Član 9.

(Uniforma lica koje obavlja prijevoz fijakerom)

- (1) Lice koje upravlja fijakerom (u daljem tekstu: vozač fijakera) mora biti obučeno u propisanu uniformu, koja odgovara tradiciji okruženja u kome se obavlja djelatnost i posjedovati akreditaciju veličine 9 x 5 cm, sa slikom na lijevoj strani i imenom i prezimenom na desnoj strani.
- (2) Nadležni općinski organ koji izdaje rješenje o radu propisuje izgled uniforme vozača fijakera, u skladu sa tradicijom okruženja u kome se obavlja djelatnost.
- (3) Akreditaciju izdaje nadležni općinski organ koji izdaje rješenje o radu, nakon što vozač fijakera položi ispit za vozača fijakera pred komisijom koju formira nadležni općinski organ.

Član 10.

(Obaveze vozača fijakera)

- (1) Vozač fijakera se mora pridržavati trase kretanja, propisane Rješenjem, i prijevoz vršiti tako da ne remeti druge učesnike u saobraćaju.
- (2) Vozač fijakera dužan je pridržavati se svih sanitarnih uslova, te u urednom stanju održavati fijakere, konje i stajalište.
- (3) Vozač fijakera ne smije biti pod utjecajem alkohola i drugih opojnih sredstava,
- (4) Fijakerom se može prevoziti onoliko lica za koliko je fijaker registrovan, a u toku prijevoza je zabranjeno vršiti prijem novih putnika.
- (5) Vozač fijakera se mora pridržavati i drugih pravila i odluka, propisanih od strane nadležnih organa.

POGLAVLJE V – CIJENA PRIJEVOZA I TRASA KRETANJA FIJAKEROM

Član 11.

(Cijena prijevoza fijakerom)

- (1) Cijena prijevoza fijakerom utvrđuje se zaključkom Vlade Kantona Sarajevo na prijedlog Ministarstva saobraćaja Kantona Sarajevo (u dajem tekstu: Ministarstvo).
- (2) Vozač fijakera mora imati cjenovnik u plastičnoj foliji, istaknut na vidnom i pogodnom mjestu u fijakeru.
- (3) Na zahtjev vozača fijakera Ministarstvo izdaje cjenovnik.
- (4) Uz zahtjev za izdavanje cjenovnika dostavlja se ovjerena kopija rješenja o radu i akreditacije za upravljanje fijakerom.
- (5) Vozač fijakera dužan je korisniku usluga izdati račun o izvršenoj usluzi.

Član 12.

(Trasa kretanja fijakerom)

- (1) Mjesto polaska, dolaska kao i trasu kretanja fijakera određuje nadležni općinski organ rješenjem o radu i označava oznakom na kojoj će biti:
 - a) naziv stajališta,
 - b) trasa kretanja.
- (2) Utvrđivanje lokacije, izgradnja i način održavanja stajališta za fijakere se određuje posebnim propisima.

POGLAVLJE VI – RADNO VRIJEME I OBAVEZE PRUŽANJA USLUGA PRIJEVOZA FIJAKEROM

Član 13.
(Radno vrijeme)

- (1) Raspored minimalnog dnevnog i sedmičnog radnog vremena obrtnika kao i minimalno radno vrijeme obrtnika u dane državnih praznika i neradnih dana za pojedine obrte utvrđuje se propisom općinskog, odnosno gradskog vijeća.
- (2) Općinsko, odnosno gradsko vijeće za pojedine obrte može propisati raspored početka i završetka dnevnog i sedmičnog vremena.

Član 14.
(Pružanje usluga prijevoza i slučajevi kad lice koje vrši prijevoz nije dužno pružiti uslugu prijevoza fijakerom)

- (1) Lice koje vrši prijevoz fijakerom je dužno pružiti uslugu svakom licu koje prijevoz naruči, osim u slučaju:
 - a) ako naručitelj svojim ponašanjem ugrožava život ili imovinu lica koje vrši prijevoz;
 - b) ako je naručitelj pod dejstvom alkohola ili drugih opojnih sredstava;
 - c) ako su naručitelj i njegov prtljag toliko prljavi da bi mogli uprljati i druge putnike ili unutrašnjost fijakera,
 - d) ako je naručitelj prijevoza lice mlađe od 12 godina bez prisustva punoljetnog lica.
- (2) Vozač fijakera je dužan nađene stvari oglasiti na oglasnoj ploči na stajalištu.
- (3) Ako se vlasnik nađenih stvari ne javi u roku od 30 dana, nađene stvari se predaju Direkciji za robne rezerve Kantona i s njima se postupa po propisima o zaplijenjenim stvarima.

POGLAVLJE VII – NADZOR

Član 15.
(Nadzor)

- (1) Upravni nadzor nad provođenjem Odluke vrši Ministarstvo.
- (2) Inspekcijski nadzor nad provođenjem Odluke vrši Kantonalna uprava za inspekcijske poslove.
- (3) Neposredan nadzor, u skladu sa posebnim ovlaštenjima, vrše nadzornici prirode u zaštićenim prirodnim područjima.
- (4) Broj fijakera usklađuje se sa propisima koje regulišu upravljanje zaštićenim područjem.

POGLAVLJE VIII – KAZNE NE ODREDBE

Član 16.

(Kaznene odredbe)

Novčanom kaznom u iznosu od 100,00 do 200,00 KM kazniti će se vlasnik fijkera ako ne posjeduje potrebnu opremu na fijkeru u skladu sa čl. 4. i 8. Odluke.

Član 17.

Novčanom kaznom u iznosu od 200,00 KM do 500,00 KM kazniti će se vozač fijkera bez potrebnog odobrenja nadležnog općinskog organa, u skladu sa članom 6. Odluke.

Član 18.

Novčanom kaznom u iznosu od 100,00 do 200,00 KM kazniti će se vozač fijkera bez propisane uniforme i akreditacije, u skladu sa članom 9. Odluke.

Član 19.

Novčanom kaznom u iznosu od 100,00 do 200,00 KM kazniti će se lice koje se ne pridržava obaveza propisanih članom 10. Odluke.

Član 20.

Novčanom kaznom u iznosu od 100,00 do 200,00 KM kazniti će se lice koje nema istaknut cjenovnik na vidnom mjestu u fijkeru, ili se ne pridržava istog, u skladu sa članom 11. Odluke.

POGLAVLJE IX – PRELAZNE I ZAVRŠNE ODREDBE

Član 21.

(Ravnopravnost spolova)

Odredbе ove Odluke odnose se podjednako na osobe muškog i ženskog spola, bez obzira na rod imenice upotrijebljene u tekstu Odluke.

Član 22.

(Prestanak važenja)

Danom stupanja na snagu ove odluke prestaje da važi Pravilnik o uređivanju javnog prijevoza lica zaprežnim vozilima - fijakerima ("Službene novine Kantona Sarajevo", broj: 28/07).

Član 23.

(Stupanje na snagu Odluke)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

**PREDSJEDAVAJUĆA
SKUPŠTINE KANTONA SARAJEVO
Prof. dr. Mirjana Malić**

Broj: _____/14
Sarajevo, _____ 2014.godine

O B R A Z L O Ž E N J E

Pravni osnov

Pravni osnov za donošenje ove Odluke sadržan je u odredbama člana 18. tačka b) Ustava Kantona Sarajevo, kojim je utvrđeno da Skupština Kantona Sarajevo donosi zakone i druge propise u okviru izvršavanja nadležnosti Kantona izuzev propisa koji su ovim Ustavom ili zakonom dati u nadležnost Vlade Kantona, odredbama člana 10. st. (1) i (2) alineja 3 Zakona o cestovnom prijevozu Federacije Bosne i Hercegovine, kojim je utvrđeno da Skupština Kantona svojim propisom, u skladu sa Federalnim Zakonom, uređuje uslove, način i specifičnosti organizacije vršenja prijevoza putnika ili tereta ili osoba i tereta na svojoj teritoriji, odnosno da se navedenim posebnim propisom uređuju prevoz zaprežnim vozilima, motociklima sa prikolicom i ostalim vozilima na motorni pogon, te odredbama čl. 9. i 11. Zakona o obrtu i srodnim djelatnostima, kojim su utvrđeni opći uslovi za obavljanje obrta kao osnovno i dopunsko zanimanje.

Razlozi donošenja Odluke

Obaveza donošenja Odluke proizilazi iz odredaba člana 103. Federalnog Zakona, kojim je utvrđeno da će Skupština Kantona uskladiti propis o uslovima, načinu i postupku organiziranja prijevoza zaprežnim vozilima - fijakerima, u roku od 90 dana od dana stupanja na snagu Zakona. Programom rada za 2014. godinu predviđeno je donošenje Odluke kojom se uređuju uslovi, način i postupak organizovanja prijevoza zaprežnim vozilima - fijakerima.

Imajući u vidu navedeno, kao i činjenicu da je oblast prijevoza zaprežnim vozilima – fijakerima uređena Pravilnikom o uređivanju javnog prijevoza lica zaprežnim vozilima - fijakerima, te da je članom 10. stav 1. Zakona o cestovnom prijevozu Federacije BiH utvrđeno da Skupština Kantona svojim propisom, u skladu sa Federalnim Zakonom, uređuje uslove, način i specifičnosti organizacije vršenja prijevoza putnika ili tereta ili osoba i tereta na svojoj teritoriji, odnosno da se navedenim posebnim propisom uređuju prevoz zaprežnim vozilima, to se pristupilo izradi navedene Odluke.

U toku izrade Odluke izvršene su konsultacije i zatražena mišljenja od relevantnih institucija, prvenstveno jedinica lokalne samouprave na području čije teritorije se obavlja navedeni vid prijevoza, kao i nadležnih ministarstava, Kantonalne uprave za inspekcijske poslove, Udruženja „Stari Fijaker“, te KJU „Zaštićena prirodna područja Kantona Sarajevo.

Prilikom izrade navedenog propisa vršene su stalne konsultacije sa Ministarstvom prostornog uređenja i zaštite okoliša Kantona Sarajevo i KJU „Zaštićena prirodna područja Kantona Sarajevo, koja vrši zaštitu i očuvanje izvornih prirodnih vrijednosti, te nadzire provođenje uslova i mjera zaštite na zaštićenim područjima, a koja je i inicirala donošenje navedene Odluke i konstantno ukazivala na potrebu donošenja propisa kojim bi se konkretna oblast uredila na adekvatan način. Navedeni Pravilnik o uređivanju javnog prijevoza lica zaprežnim vozilima – fijakerima nije sadržavao kaznene odredbe, odnosno sankcije za ne poštivanje

odredbi istog, te je i s tim u vezi donošenje konkretne Odluke opravdano.

Također, ističemo da su u toku izrade Odluke pribavljena mišljenja Ministarstva privrede, Ministarstva prostornog uređenja i zaštite okoliša, Udruženja „Stari Fijaker“, te KJU „Zaštićena prirodna područja Kantona Sarajevo. Općine Ilidža i Stari grad Sarajevo, kao i Kantonalna uprave za inspeksijske poslove nisu dostavili mišljenje na navedenu Odluku.

Obzirom da su u toku izrade predmetne Odluke vršene stalne konsultacije sa Ministarstvom prostornog uređenja i zaštite okoliša i KJU „Zaštićena prirodna područja Kantona Sarajevo“, te da su usaglašene primjedbe i sugestije istih, u daljoj proceduri su usaglašavane primjedbe date u Mišljenju Ministarstva privrede Kantona Sarajevo, a koje se odnose na Zakon o obrtu i srodnim djelatnostima, odnosno izvršeno je usklađivanje predmetne Odluke sa navedenim Zakonom.

Pravna rješenja

Poglavlje I – OPĆE ODREDBE (čl. 1. – 2.)

Odredbama ovog poglavlja utvrđuje se predmet Odluke i definicije pojmova koji se koriste u Odluci.

Poglavlje II –USLOVI ZA OBAVLJANJE PRIJEVOZA ZAPREŽNIM VOZILIMAFIJAKERIMA (čl. 3. – 5.)

Ovim poglavljem su definirani uslovi koje treba ispunjavati lice koje vrši prijevoz, kao i uslovi i opremljenost fijakera. Navedeni uslovi su usklađeni sa Zakonom o obrtu i srodnim djelatnostima . Pored općih uslova predviđeno je da fizičko lice može obavljati ovu djelatnost kao osnovno i dopunsko zanimanje ako ispunjava uslove propisane čl. 9 i 11. Zakona o obrtu i srodnim djelatnostima.

U ovom poglavlju definisani su i uslovi koji se odnose na opremu koju mora posjedovati fijaker, te je kao novina predviđeno, odnosno utvrđeni su uslovi za zbrinjavanje konjskog izmeta i mjesto za odlaganje istog. Također je uvažen zahtjev Udruženja „Stari Fijaker“ da se boja fijakera određuje po izboru vlasnika po uzoru na kako su naveli fijakere u Austriji iz razloga što je većina fijakera upravo iz Austrije.

Utvrđena je obaveza posjedovanja dokaza o stalnoj veterinarskoj zaštiti konja koji se koriste za vuču fijakera, kao i nadležnost policijske uprave i kantonalnog saobraćajnog inspektorata za kontrolu ispunjavanja uslova i opremljenosti fijakera, a što je sugerisano Mišljenjem KJU „Zaštićena prirodna područja Kantona Sarajevo“.

Poglavlje III – IZDAVANJE I EVIDENCIJA RJEŠENJA O RADU I EVIDENCIJSKIH TABLICA ZA FIJAKERE (čl. 6. – 8.)

Ovim poglavljem propisani su uslovi za izdavanje rješenja o radu, odnosno što isto treba sadržavati, kao i evidencija izdatih evidencijskih tablica, oblik i izgled istih. Također je shodno odredbama Zakona o obrtu i srodnim djelatnostima precizno definisan sadržaj rješenja koje izdaje nadležni općinski organ na području čije teritorije se nalazi trasa za obavljanje prijevoza fijakerom, kao i sadržaj evidencije izdatih evidencijskih tablica, a što je ukazano u Mišljenju Ministarstva privrede. U ovom poglavlju je propisana obaveza pribavljanja saglasnosti upravitelja zaštićenim prirodnim područjima ukoliko se zahtjev odnosi na obavljanje djelatnosti u zaštićenom prirodnom području. Također je precizno definisan izgled i oblik evidencijske tablice, odnosno jasno je utvrđena dimenzija, boja, kao i

sadržaj iste.

Poglavlje IV – OBAVEZE LICA KOJE VRŠE PRIJEVOZ FIJAKEROM (čl 9. – 10.)

Ovim poglavljem utvrđene su obaveze lica koje vrši prijevoz fijakerima, prvenstveno izgled uniforme i akreditacije vozača fijakera koju izdaje nadležni općinski organ koji izdaje rješenje o radu, nakon položenog ispita za vozača fijakera. Također su decidno utvrđene obaveze vozača fijakera, prvenstveno obaveze pridržavanja trase kretanja, sanitarnih uslova, obaveza pridržavanja svih pravila i odluka propisanih Odlukom i drugim propisima.

Poglavlje V – CIJENA PRIJEVOZA I TRASA KRETANJA FIJAKEROM (čl.11.– 12.)

Ovim poglavljem propisan je način utvrđivanja cijene prijevoza fijakerom, cjenovnik, kao i trasa kretanja fijakerom. Utvrđeno je da se cijena prijevoza fijakerom utvrđuje zaključkom Vlade Kantona Sarajevo na prijedlog Ministarstva saobraćaja, kao i obaveza isticanja istog i izdavanje računa o izvršenoj usluzi, shodno Mišljenju Ministarstva privrede Kantona Sarajevo. Ovim poglavljem je također propisano da trasu kretanja fijakera određuje nadležni općinski organ rješenjem sa oznakom (naziv stajališta i trasa kretanja), te da se utvrđivanje lokacija, izgradnja i način održavanja stajališta za fijakere određuje posebnim propisom.

Poglavlje VI – RADNO VRIJEME I OBAVEZE PRUŽANJA USLUGA PRIJEVOZA FIJAKEROM (čl. 13 – 14.)

Ovim poglavljem propisano je radno vrijeme, kao i uslovi za pružanje usluge prijevoza fijakerom, te slučajevi kada lice koje vrši prijevoz fijakerom nije dužno pružiti uslugu. Radno vrijeme je utvrđeno u skladu sa članom 40. Zakona o obrtu i srodnim djelatnostima, a što je također navedeno i u Mišljenju Ministarstva privrede Kantona Sarajevo. Ovim poglavljem su također utvrđeni slučajevi kada vozač fijakera nije dužan pružiti uslugu prijevoza fijakerom, te su isti decidno navedeni. Propisana je i obaveza vozača fijakera u slučaju pronalaska stvari, odnosno obavezi oglašavanja istih na oglasnoj ploči i predavanja Direkciji za robne rezerve u slučaju ne javljanja vlasnika istih.

Poglavlje VII – NADZOR (čl. 15.)

U ovom poglavlju definirane su nadležnosti za provođenje nadzora nad primjenom ove Odluke (upravni, inspekcijski i neposredan nadzor), a sve u skladu sa Zakonom o obrtu i srodnim djelatnostima.

Poglavlje VIII – KAZNENE ODREDBE (čl. 16. – 20.)

U ovom poglavlju su navedene kaznene odredbe za lica koja vrše prijevoz fijakerom, odnosno koja postupaju protivno odredbama ove Odluke. U cilju jednostavnosti primjene, kao i činjenice da se ovakvim rješenjem omogućuje uplata istih na račun Budžeta Kantona Sarajevo visine kazni su precizno navedene i usklađene sa visinom kazni propisanih Zakonom o prekršajima u Federaciji Bosne i Hercegovine („Službene novine Federacije BiH“, br. 31/06 i 37/10).

Poglavlje IX – PRELAZNE I ZAVRŠNE ODREDBE (čl. 21.-23.)

U prelaznim i završnim odredbama su definisani ravnopravnost spolova, prestanak važenja propisa kojima je ova materija bila ranije uređena, stupanje na snagu ove odluke, te prestanak važenja propisa.

FINANSIJSKA SREDSTVA POTREBNA ZA PROVOĐENJE OVE ODLUKE

Za provođenje ove odluke nije potrebno planirati finansijska sredstva u Budžetu Kantona Sarajevo.

Bosna i Hercegovina
Federacija Bosne i Hercegovine
KANTON SARAJEVO
Ministarstvo pravde i uprave



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj:02-05-07-8905/14
Sarajevo, 13. maj 2014.godine

MNISTARSTVO SAOBRAĆAJA
- OVDJE -

PREDMET: Mišljenje na prijedlog Odluke o uređivanju javnog prijevoza lica zaprežnim vozilima-fijakerima

U skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", br. 2/12-Prečišćeni tekst i 41/12) i člana 7. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ministarstvo pravde i uprave razmotrilo je prijedlog ove odluke i dalje slijedeće

MIŠLJENJE

Prijedlog Odluke o uređivanju javnog prijevoza lica zaprežnim vozilima-fijakerima nije u suprotnosti sa odredbama Evropske konvencije o zaštiti ljudskih prava i osnovnih sloboda, kao ni sa drugim pravnim aktima kojima je utvrđena zaštita ljudskih prava i sloboda.

S poštovanjem,

Dostaviti:
1.Naslovu
2.Arhivi



MINISTRICA

Velida Memić
Velida Memić, dipl. pravnik



web: <http://mpu.ks.gov.ba>
e-mail: pravda@ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1





4820
05-05-2014

Broj: 09-02-8906/14
Sarajevo, 05.05.2014. godine

KANTON SARAJEVO
MINISTARSTVO SAOBRAĆAJA

PREDMET: Stručno mišljenje na prijedlog Odluke o uređivanju javnog prijevoza lica zaprežnim vozilima-fijakerima.-

Na osnovu člana 2. Uredbe o Uredu za zakonodavstvo Vlade Kantona Sarajevo («Službene novine Kantona Sarajevo», broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj: 21/11-Novi prečišćeni tekst i broj: 30/11-Ispravka), Ured za zakonodavstvo Vlade Kantona Sarajevo, daje slijedeće

MIŠLJENJE

1. Prijedlog Odluke o uređivanju javnog prijevoza lica zaprežnim vozilima-fijakerima ne sadrži odredbe koje bi bile u suprotnosti sa odredbama ustava i drugim propisima koji su navedeni u obrazloženju prijedloga Odluke.

Pravni osnov za donošenje prijedloga Odluke o uređivanju javnog prijevoza lica zaprežnim vozilima-fijakerima sadržan je u odredbama člana 10. Zakona o cestovnom prijevozu Federacije Bosne i Hercegovine ("Službene novine Federacije Bosne i Hercegovine", br. 28/06 i 2/10).

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst i broj: 30/11-Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:
① Naslovu
2. Evidencija
3. Arhiva



SEKRETAR

Ahmed Ljubović, dipl. pravnik



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1



4766

29-04-2014

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj:08-02-7907/14
Sarajevo, 24.04.2014. god

**MINISTARSTVO SAOBRAĆAJA
KANTONA SARAJEVO
O V D J E**

PREDMET: Mišljenje
Veza vaš broj: 04-27-9212/13

U skladu sa članom 3. Stav (4) Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 21/11- Novi prečišćeni tekst i 30/11), dajemo slijedeće mišljenje:

Nacrt odluke o uređivanju javnog prevoza lica zaprežnimvozilima- fijakerima nije u suprotnosti sa finansijskim propisima.

Za provođenje ove Odluke nije potrebno planirati finansijska sredstva u Budžetu Kantona Sarajevo.



MINISTAR
Muhamed Kozadra, dipl.ecc.

Pripremila- Avdić Z. *Z.*



web: <http://mf.ks.gov.ba>
e-mail: mf@mf.ks.gov.ba;
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



1332

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog
uređenja i zaštite okoliša



Bosnia and Herzegovina
Federation of Bosnia and Herzegovina
CANTON SARAJEVO
Ministry of Physical Planning and
Environmental Protection

Broj: 04-27-9212-7/13
Sarajevo, 29.01.2014.

MINISTARSTVO SAOBRAĆAJA
KANTONA SARAJEVO
n/r ministra

- OVDJE -

29.01.2014

PREDMET: Dostava mišljenja

Dana 21.01.2014. dostavili ste ovom Ministarstvu na mišljenje Nacrta Odluke o uređivanju javnog prijevoza zaprežnim vozilima – fijakerima.

Imajući u vidu da smo aktivno učestvovali u pripremi ovog dokumenta, obavještavamo Vas da smo saglasni sa gore navedenim Nacrtom Odluke.

S poštovanjem,



MINISTAR

Zlatko Petrović, dipl.pravnik

Dostaviti:
- Naslovu
- Evidencija
- Arhiva



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1





1598

AL

Broj: 04- 27-2155-1/14
Sarajevo, 28.01.2014. godine

KANTON SARAJEVO
MINISTARSTVO SAOBRAĆAJA
- O v d j e -

31-01-2014

Predmet: Mišljenje, dostavlja se

Veza: Akt broj: 04-27-9212-4/13 od 21.01.2014. godine

Aktom broj: 04-27-9212-4/13 od 21.01.2014. godine, zatražili ste mišljenje Ministarstva privrede Kantona Sarajevo na dostavljeni Nacrt Odluke o uređivanju javnog prijevoza lica zaprežnim vozilima - fijakerima.

Ministarstvo privrede Kantona Sarajevo je razmotrilo dostavljeni Nacrt Odluke o uređivanju javnog prijevoza lica zaprežnim vozilima - fijakerima, te Vam ovim putem dostavlja mišljenje.

U preambuli navedenog Nacrta Odluke je potrebno pozvati se na Zakon o obrtu i srodnim djelatnostima ("Službene novine Federacije BiH", broj 35/09 i 42/11) jer je ova djelatnost obuhvaćena ovim Zakonom, a u skladu sa navedenim Zakonom je po osnovu Uredbi Vlade Kantona Sarajevo ("Službene novine Kantona Sarajevo", br.15/10 i 29/11) tretirana kao jedna od djelatnosti starih, tradicionalnih zanata - obrta.

U Poglavlju II

Član 3. Nacrta Odluke potrebno je uskladiti sa Zakonom o obrtu i srodnim djelatnostima koji je uslove za obavljanje obrta propisao u čl. 9.; 11.; 12. i 13. navedenog Zakona.

U Poglavlju III

Član 6. Nacrta Odluke, kojim se reguliše način izdavanja rješenja o radu, potrebno je uskladiti sa Zakonom o obrtu i srodnim djelatnostima, a posebno sa čl. 14.; 15. i 16. kojim su definisani minimalni uvjeti za obavljanje obrta, nadležnost za sprovođenje zakona i način izdavanja rješenja za obavljanje obrta, obrtnice i potrebne saglasnosti.

Predlažemo da član 6. Nacrta Odluke kojim se propisuje izdavanje rješenja o radu glasi:

- (1) Nadležni organ na teritoriju na kojem će biti sjedište obrta donosi rješenje kojim se odobrava obavljanje obrta, ili rješenje kojim se zahtjev odbija, u skladu sa Zakonom o upravnom postupku, u roku od 15 dana od dana prijema urednog zahtjeva čiji je sastavni dio Zapisnik i mišljenje iz tačke 5. ove Odluke.
- (2) Sadržaj Rješenja mora biti usklađen sa Zakonom o obrtu i srodnim djelatnostima, a pored obaveznog sadržaja u skladu sa Zakonom, sadrži i:
 - a) tačnu relaciju kretanja fijakera;



- b) broj evidencijske tablice; i
- c) maksimalni broj putnika koji se mogu nalaziti u fijakeru.

Predlažemo da Član 7. stav 1., a što je u skladu sa Zakonom o obrtu i srodnim djelatnostima, glasi: Evidenciju o izdatim rješenjima za prijevoz lica fijakerom vodi nadležni općinski organ koji je izdao rješenje o obavljanju obrta.

U Poglavlju V

Član 11. stav 5. koji se odnosi na izdavanje računa o obavljenoj usluzi potrebno je uskladiti sa članom 41. stav d) Zakona o obrtu i srodnim djelatnostima, i treba da glasi:

Lice koje vrši prijevoz fijakerom dužno je korisniku usluga izdati račun o odnosno izvršenim uslugama.

U poglavlju VI

Članom 13. Nacrta Odluke definisano je radno vrijeme lica koja vrše prijevoz fijakerom dok je prema Zakonu o obrtu i srodnim djelatnostima radno vrijeme regulisano članom 40. navedenog Zakona te je potrebno uskladiti navedene članove.

U Poglavlju VII

Članove kojima se utvrđuje upravni nadzor nad provođenjem Odluke potrebno je uskladiti, obzirom da se radi o djelatnosti - obrtu, sa Poglavljem VI Zakona o obrtu i srodnim djelatnostima kojim je propisan upravni i inspeksijski nadzor.

Poglavlje VIII

Kaznene odredbe u Nacrtu Odluke potrebno je, iz istog razloga kao i u prethodnom poglavlju, uskladiti sa Poglavljem VII - kaznene odredbe, koje su definisane u Zakonu o obrtu i srodnim djelatnostima i kojima su propisani drugačiji iznosi novčanih kazni za iste ili slične prekršaje.

S poštovanjem,



MINISTAR
Emir Hrenovica
mr. sci. Emir Hrenovica

Dostaviti:

- ① Ministarstvu saobraćaja Kantona Sarajevo
2. Evidenciji
3. a/a

Pripremio: Bruno Vištica
Kontrolisala: Tatjana Fikais



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine

KANTON SARAJEVO
Kantonalna javna ustanova
za zaštićena prirodna područja



Bosnia and Herzegovina
Federation of Bosnia and Herzegovina

CANTON SARAJEVO
Cantonal Public Institution
for Protected Natural Areas

Broj: 60/14
Sarajevo, 28.01. 2014. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja

Bosna i Hercegovina
Federacija Bosne i Hercegovine
KANTON SARAJEVO

28-01-2014

MIŠLJENJE:			Broj priloga
Broj predmeta	Broj predmeta u sp.	Broj predmeta	
04	27	9210	

13

PREDMET: Mišljenje na Nacr odluke o uređivanju javnog prijevoza lica zaprežnim vozilima-fijakerima- dostavlja se

Na osnovu Vašeg dopisa broj:04-27-9212/13 od 21.01.2014. godine Kantonalna javna ustanova za zaštićena prirodna područja daje prijedlog.

Predlaže se da se član 5. konkretizira kada vrši pregled opremljenosti fijakera.

Prijedlog fomulacije:

„(1) Pregled ispunjavanja uslova i opremljenosti fijakera iz člana 4.stav1.ove odluke, u postupku izdavanja rješenja o radu i u toku vremenskog perioda važenja rješenja o radu , ovlaštenu policijski službenik nadležne policijske uprave i kantonalni sobračajni inspektor će izvršiti pregled fijakera.

„(2)O ispunjavanju propisanih uslova opremljenosti fijakera će se sačiniti zapisnik.“

S poštovanjem,



DIREKTOR

mr.sci. Osman Delić

Dostaviti:

- Naslovu
- Arhivi Javne ustanove

SARAJEVO

11.02.2014 god.

UDRUŽENJE „STARI FIJAKER“

Ul. Velika Aleja bb

Ilidža

Mob: 062/452-510 , 061/135-515

Za,

Ministarstvo saobraćaja

KANTONA SARAJEVO

Udruženje „Stari Fijaker“ Ilidža je dana 11.02.2014god. održalo skupštinu na kojoj se razmatralo o Nacrtu prijedloga pravilnika o prevozu lica fijakerom.

Uz prisustvo svih sem pet opravdano odsutna člana donijelo slijedeće mišljenje.

Prisutni:

- | | | |
|---------------------|-----------------------|--------------------|
| 1. Bajrić Fikret | 16. Memić Bajro | 21. Subašić Mirnes |
| 2. Bajrić Muharem | 17. Memić Enver | 22. Subašić Sifet |
| 3. Bašić Haso | 18. Merina Husein | 23. Šovšić Ado |
| 4. Botulja Admir | 11. Lingo Nail | 24. Šovšić Almin |
| 5. Botulja Halid | 12. Mahmutović Dženan | 25. Šovšić Munir |
| 6. Botulja Suvad | 13. Mahmutović Emin | 26. Šovšić Nijaz |
| 7. Botulja Zijad | 14. Mašić Mufid | 27. Uzunović Adem |
| 8. Huseinović Adnan | 15. Mašić Šaban | 28. Vefić Nihad |
| 9. Karavdić Velid | 19. Osmanović Đenan | 29. Velić Salko |
| 10. Karić Sejdalija | 20. Sendić Amir | |

Odsutni:

1. Botulja Fadil
2. Delić Mujo
3. Lokvančić Agan
4. Memić Alen
5. Muzur Ramiz

Te vam u prilogu šaljem isto.

Prilog : MIŠLJENJE



UDRUŽENJE „STARI FIJAKER“

Ul: Velika Aleja bb

Ilidža

Predmet: Mišljenje o Nacrtu Odluke o uređivanju javnog prijevoza lica zaprežnim vozilima – fijakerima.

MIŠLJENJE

Generalan stav Udruženja Prema Nacrtu je pozitivan izuzev nekoliko stavova i to:

Molimo da u **Članu 3. (Uslovi koje treba ispunjavati lice koje vrši prijevoz fijakerom) stav 4** stoji samo uvjerenje da lice nije kažnjavano bez nastavka teksta. ✓

Molimo da se u **Članu 4.(Uslovi i opremljenost fijakera)** promijeni **stav 2** i dozvoli da fijakeri ne moraju biti samo crne boje i dozvoli da fijakeri po uzoru na fijakere u Austriji mogu biti u više boja. U primjeru smo naveli fijakere u Austriji iz tog razloga što i većina naših fijakera potiče iz Austrije. Razlog tome je i mišljenje posjetilaca Vrela Bosne po čijem mišljenju su crni fijakeri dosta monotoni kako kažu mrtvačka kola.

Članovi Udruženja „STARI FIJAKER“ nisu svi sa općine Ilidža a posao obavljaju u istoj te vas molimo da u **Članu 6.(Izdavanje rješenja o radu)** omogućite svim članovima Udruženja mogućnost za rad bez obzira na mjesto prebivališta.

I molimo da se u Rješenje za rad omogući upis imena članova porodičnog domaćinstva ili u slučaju kod članova UDRUŽENJA koji nemaju naslijednika to bude osoba po izboru nosioca Rješenja, a da lica ispunjavaju uslove iz Člana 3. ovog pravilnika. Navedena lica bi povremeno (u slučaju bolesti ili odsustva zbog obaveze prikupljanja hrane za konja) mogla mijenjati nosioca Rješenja.

Molimo da nam se omogući kroz **Član 9.(Uniforma lica koje obavlja prijevoz fijakerom).**

Zbog prirode posla rada s konjem i rada ljeti na velikoj vrućini omogući rad vikendom i praznicima obavezno u starinskoj nošnji dok radnim danima to ne mora biti obaveza.

POGLAVLJE VIII – KAZNE ODREDBE Kako posao fijakeriste sezonski i na nivou čitave godine nije profitabilan visina iznosa kazni za lice koje se bavi poslom fijakeriste je prevelika ali se slažemo da kaznene mjere moraju postojati i molimo da se iznosi smanje za 50%.

Obrazloženje:

Obavljanje prevoza fijakerom je najlakši i najljepši ali i najkraći dio posla koji fijakerista obavlja u toku godine kada to vremenski uslovi dozvoljavaju. Posao fijakeriste je težak i zahtjevan koji sa sobom nosi mnogo teškoća i rizika. Naš osnovni elemenat u ovom poslu je konj koji je po svojoj prirodi jako osjetljiva životinja i zahtijeva posebnu vrstu njege.

Molimo da pri donošenju krajnje odluke o pravilniku prijevozu lica fijakerom uzmete u obzir da veći dio godine fijakerista i čitava njegova porodica svakodnevno a posebno tokom zime njeguje konja (pribavlja hranu, čisti).

Udruženje „STARI FIJAKER“ ILIDŽA stoji vam na raspolaganju i uvijek smo se spremni odazvati na bilo kakvo usmeno obrazlaganje našeg mišljenja .

S poštovanjem UDRUŽENJE „STARI FIJAKER“ ILIDŽA

U naprijed hvala.



SLUŽBENE NOVINE KANTONA SARAJEVO

Godina I - Broj 1

Ponedjeljak, 11. marta 1996.
SARAJEVO

Za svaki broj
se pojedinačno određuje
cijena

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Timovo i Vogosća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odlučí Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 6.

Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima.

Organi vlasti u Kantonu su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Oni ne mogu donositi bilo kakve

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem opštvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom i zbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabраних poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska pamica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

Preventivni periodični tehnički pregled motornih i priključnih vozila obavljaju pravna lica registrovana i osposobljena za pružanje usluga tehničkog pregleda koja su ovlaštena od Federalnog ministarstva prometa i komunikacija (u daljem tekstu: Ministarstvo) za obavljanje ove vrste tehničkog pregleda.

Preventivni periodični tehnički pregled motornih i priključnih vozila za svoje potrebe može obavljati pravno lice, ako raspolaže potrebnom opremom i kadrovima, ako je registrovano i osposobljeno za obavljanje tehničkog pregleda i ako ima ovlaštenje izdato od Ministarstva.

Odredbe stava 1. i stava 2. ovog člana ne odnose se na prevoz za vlastite potrebe koji se obavlja putničkim automobilom.

Pravilnik iz stava 1. ovog člana, kojim se uređuju uslovi, način, rokovi i evidencija obavljanja preventivnih tehničkih pregleda motornih i priključnih vozila, donosi federalni ministar.

Član 9.

Motornim vozilom kojim se obavlja prevoz može upravljati lice koje ispunjava uslove utvrđene propisima o bezbjednosti saobraćaja na putevima.

Lice iz stava 1. ovog člana mora imati i:

- najmanje III stepen stručne spreme za zanimanje vozač motornog vozila ili sertifikat o stručnoj osposobljenosti za vozača motornog vozila transportnog operatora i
- manje od 65 godina starosti.

Odredbe stava 2. ovog člana u pogledu stručne spreme ne primjenjuju se na zaposlene, koji u vezi sa obavljanjem poslova svog radnog mjesta, osim poslova iz djelatnosti prevoza i rent-a-car prevoza kada se vozilo iznajmljuje sa vozačem, upravljaju motornim vozilom za koje je potrebna vozačka dozvola za "B" kategoriju.

Odredbe stava 2. ovog člana u pogledu starosnog ograničenja, ne primjenjuju se za lica koja upravljaju motornim vozilom "B" kategorije i obavljaju prevoz za vlastite potrebe.

Član 10.

Nadležno kantonalno ministarstvo za poslove drumskog saobraćaja svojim propisom će, u skladu sa ovim Zakonom, urediti uslove, način i specifičnosti organizacije obavljanja prevoza putnika ili tereta ili putnika i tereta na svojoj teritoriji.

Posebnim propisom iz stava 1. ovog člana urediće se:

- uslovi, način i postupak organizovanja linijskog i vanlinijskog prevoza;
- uslove, način i organizaciju obavljanja taksi prevoza;
- prevoz zaprežnim vozilima, motociklima sa prikolicom i ostalim vozilima na motorni i drugi pogon;
- prevoz za vlastite potrebe i
- izdavanje rješenja za obavljanje pojedinih vrsta prevoza.

Pri utvrđivanju ukupnog broja taksi vozila na svome području, organ iz stava 1. ovog člana koristiće se odnosom jedno taksi vozilo na 500 - 1000 stanovnika.

Organ iz stava 1. ovog člana može dio poslova iz svoje nadležnosti prenijeti na gradske, odnosno opštinske organe nadležne za poslove drumskog prevoza.

U članu 5. iza stava 4. dodaje se novi stav koji glasi:

"Odredbе ovog člana ne odnose se na putničke automobile građana i vozila opremljena za kampovanje."

Član 4.

U članu 7. iza stava 3. dodaju se novi st. 4. i 5. koji glase:

"Izuzetno od odredbe stava 3. ovog člana, službeno vozilo podliježe obavezi iz stava 1. ovog člana.

Za službena vozila jedan obrazac putnog naloga može se koristiti tokom kalendarskog mjeseca, a za korištenje službenog vozila u neradne dane ili za vrijeme praznika potrebno je posjedovati poseban putni nalog kojeg odobrava i potpisuje rukovodilac organa vlasnika vozila."

Dosadašnji stav 4. postaje stav 6.

Član 5.

U članu 9. u stavu 2. u alineji 1. iza riječi: "vozač motornog vozila" riječi: "ili certifikat o stručnoj osposobljenosti za vozača motornog vozila transportnog operatera" se brišu.

Član 6.

U članu 10. u stavu 1. riječi: "Nadležno kantonalno ministarstvo za poslove cestovnog prometa" zamjenjuju se riječima: "Skupština kantona".

U stavu 2. na kraju alineje 5. stavlja se tačka zarez i dodaje nova alineja 6. koja glasi:

"- način organizacije i broj vozila javnog gradskog prijevoza koji će biti opremljeni uređajima za olakšan ulaz ili izlaz osobama sa invaliditetom".

Član 7.

U članu 11. u stavu 3. iza riječi: "Javni prijevoz" stavlja se zarez i dodaju riječi: "osim javnog linijskog prijevoza putnika" a iza riječi: "i drugim propisima" tačka se zamjenjuje zarezom i dodaju riječi: "pod uvjetom da mu je to osnovna djelatnost".

Član 8.

Član 13. mijenja se i glasi:

"Prijevoznik može vršiti javni prijevoz, ako pored uvjeta utvrđenih posebnim propisima posjeduje licencu prijevoznika za:

- linijski i vanlinijski prijevoz putnika ili
- vanlinijski prijevoz putnika ili
- prijevoz tereta ili
- taksiprijevoz.

Prijevoznik može dobiti licencu prijevoznika ako ispunjava sljedeće uvjete:

- a) posjeduje profesionalnu osposobljenost koja podrazumijeva da:
 - pravno lice ima registriranu djelatnost javnog prijevoza, a fizičko lice odobrenje za vršenje javnog prijevoza,

7. Pravilnik iz člana 26. stav 2. ovog Zakona;
8. Pravilnik iz člana 37. stav 4. ovog Zakona;
9. Pravilnik iz člana 47. stav 3. ovog Zakona;
10. Pravilnik iz člana 64. stav 3. ovog Zakona;
11. Pravilnik iz člana 67. stav 1. ovog Zakona;
12. Pravilnik iz člana 70. stav 4. ovog Zakona;
13. Pravilnike iz člana 74. stav 1. ovog Zakona;
14. Pravilnik iz člana 86. stav 7. ovog Zakona.

Član 103.

Nadležni organ kantona, odnosno grada i općine će uskladiti propise iz člana 10. i člana 42. ovog Zakona u roku od 90 dana od dana stupanja na snagu ovog Zakona.

Do donošenja propisa iz stava 1. ovog člana primjenjivaće se važeći propisi kantona, odnosno grada i općine ukoliko nisu u suprotnosti sa ovim Zakonom.

Član 104.

Odredbe člana 9. stav 2. ovog Zakona u pogledu stručne spreme za zanimanje vozača motornih vozila neće se primjenjivati dvije godine od dana stupanja ovog Zakona na snagu.

Član 105.

Stručna institucija na koju su prenesena ovlaštenja po ranijim propisima, koja se odnose na rad stanica tehničkog pregleda i naznačena su u članu 76. ovog Zakona, nastavlja sa radom ukoliko su ovlaštenja prenesena na način kako je to propisano i ukoliko se utvrdi da prenesena ovlaštenja obavlja u skladu sa ovim Zakonom.

Član 106.

U prelaznom periodu od dvije godine od dana stupanja na snagu ovog Zakona neposredne poslove inspeksijskog nadzora obavljaće i ovlašćeni kantonalni inspektori za drumski saobraćaj.

Član 107.

Danom stupanja na snagu ovog Zakona prestaje da važi Zakon o prevozu u unutrašnjem putnom saobraćaju ("Službene novine Federacije Bosne i Hercegovine", broj 23/98).

Do donošenja podzakonskih akata iz člana 102. ovog Zakona primjenjivaće se podzakonski propisi doneseni na osnovu zakona iz stava 1. ovog člana, ako nisu u suprotnosti sa odredbama ovog Zakona.

Član 108.

Ovaj zakon stupa na snagu osmog dana od dana objavljivanja u "Službenim novinama Federacije BiH".

(2) Obrtnici i lica koja obavljaju srodnu djelatnost iz stava (1) ovog člana u vrijeme trajanja sezonskog obavljanja djelatnosti uspostavljaju svojstvo osiguranika, ako nemaju već zasnovan radni odnos.

(3) Sezonsko obavljanje obrta i srodne djelatnosti upisuju se u Obrtni registar.

(4) Popis obrta i srodnih djelatnosti koje se mogu obavljati sezonski i uvjete za njihovo obavljanje propisuje federalni ministar razvoja, poduzetništva i obrta na prijedlog kantonalnih ministarstava nadležnih za oblast obrtništva.

Član 6.

(Vezani i posebni obrti)

(1) Obrti u smislu ovog Zakona jesu vezani i posebni.

(2) Vezani obrti su obrti za čije se obavljanje traži odgovarajuća stručna sprema.

(3) Posebni obrti su obrti koje obrtnik može obavljati samo ako ispunjava uvjete za vezane obrte iz stava (2) ovog člana i ima saglasnost za obavljanje posebnih obrta.

(4) Vezani obrt može se obavljati u stambenim prostorijama pod uvjetima i za djelatnosti koje će propisati federalni ministar razvoja, poduzetništva i obrta na prijedlog kantonalnih ministarstava nadležnih za oblast obrtništva.

(5) Vezane obrte koji se mogu obavljati izvan poslovnih i stambenih prostorija, te uvjete za njihovo obavljanje propisat će federalni ministar razvoja, poduzetništva i obrta na prijedlog kantonalnih ministarstava nadležnih za oblast obrtništva.

(6) Popis vezanih obrta prema vrstama, stepen i vrstu strukovne spreme potrebne za njihovo obavljanje, te popis posebnih obrta prema vrstama, uvjete i način izdavanja saglasnosti za obavljanje posebnog obrta propisuje Vlada Federacije Bosne i Hercegovine na prijedlog federalnog ministra razvoja, poduzetništva i obrta.

Član 7.

(Srodne djelatnosti)

(1) Srodne djelatnosti, u smislu ovog Zakona, jesu djelatnosti za čije se obavljanje traži odgovarajuća stručna sprema, zavisno od vrste djelatnosti propisane posebnim zakonom.

(2) Izuzetno, odredba iz stava (1) ovog člana ne primjenjuje se na obavljanje srodnih djelatnosti iz stava (3) član 2. ovog Zakona.

(3) Srodne djelatnosti za čije je obavljanje dovoljno izučavanje u roku ne dužem od tri mjeseca i koje ne proizilaze iz nekog vezanog ili posebnog obrta mogu obavljati lica sa završenom najmanje osnovnom školom.

Član 8.

(Tradicionalni i stari zanati)

(1) Tradicionalni i stari zanati su obrti za koje je potrebno posebno poznavanje zanatskih vještina i umijeće u obavljanju djelatnosti i koji se obavljaju pretežnim udjelom ručnog rada.

(2) U cilju očuvanja tradicije Vlada Federacije Bosne i Hercegovine će, na prijedlog federalnog ministra razvoja, poduzetništva i obrta, a uz prethodno pribavljeno mišljenje jedinica lokalne samouprave, utvrditi popis tradicionalnih i starih obrta koji se mogu obavljati pod uvjetima određenim u stavu (2) član 6. ovog Zakona.

(3) Za obavljanje djelatnosti tradicionalnih i starih obrta Vlada Federacije Bosne i Hercegovine, vlade kantona i jedinice lokalne samouprave propisat će odgovarajuće olakšice, svako iz svoje nadležnosti, koje će stimulirati očuvanje tradicionalnih i starih obrta i pojačati interes za njihovo obavljanje.

POGLAVLJE II. OBAVLJANJE OBRTA

1. Uvjeti za obavljanje obrta

Član 9.

(Opći uvjeti)

(1) Fizičko lice može obavljati obrt kao osnovno zanimanje, ako ispunjava sljedeće opće uvjete:

- državljanin je Bosne i Hercegovine,
- poslovno je sposobno,
- udovoljava općim i posebnim zdravstvenim uvjetima, ako je to propisano posebnim zakonom,

- pravomoćnom sudskom presudom, rješenjem o prekršaju ili upravnim aktom nije mu izrečena zaštitna mjera zabrane obavljanja obrta dok ta mjera traje.

(2) Fizičko lice može obavljati obrt kao dopunsko ili dodatno zanimanje ako ispunjava uvjete iz stava (1) ovog člana i ako ima već zasnovan radni odnos po bilo kom osnovu ili je korisnik penzije u skladu sa članom 11. st. (2) i (3) ovog Zakona i ukoliko posebnim zakonom nije drugačije propisano.

Član 10.

(Posebni uvjeti)

(1) Fizičko lice može obavljati vezani obrt ako uz opće uvjete iz člana 9. ovog Zakona ispunjava i poseban uvjet stručne spreme.

(2) Fizičko lice koje ispunjava opće uvjete iz člana 9. ovog Zakona, a ne ispunjava poseban uvjet stručne spreme može obavljati vezani obrt ako na tim poslovima zaposli zaposlenika koji udovoljava tom uvjetu, što se utvrđuje rješenjem kojim se odobrava obavljanje obrta.

(3) Vezane obrte mogu obavljati i lica sa odgovarajućim višim ili visokim obrazovanjem u skladu sa odredbama člana 6. stav (2) ovog Zakona.

(4) Kantonalni ministar nadležan za oblast obrazovanja po prethodno pribavljenom mišljenju kantonalne obrtničke komore i nadležnog kantonalnog ministarstva u spornim slučajevima određuje koje je to odgovarajuće više ili visoko obrazovanje iz stava (3) ovog člana.

(5) Vezani obrt može obavljati i fizičko lice - izumitelj na osnovu ostvarenog patentnog prava na patentirani proizvod ili uslugu ako ispunjava uvjete iz člana 9. ovog Zakona.

Član 11.

(Dopunsko zanimanje)

(1) Fizičko lice može obavljati obrt kao dopunsko zanimanje isključivo samostalnim radom i to najduže 20 sati sedmično, uz plaćanje poreza čiju visinu propisuje organ nadležan za poreze.

(2) Korisnik starosne penzije koji je penziju ostvario sa 65 godina života ili sa 40 godina penzijskog staža može istovremeno koristiti penziju i obavljati obrt kao dopunsko zanimanje. U tom slučaju vremensko ograničenje iz stava (1) ovog člana se ne primjenjuje.

(3) Odredbe iz stava (2) ovog člana odgovarajuće se primjenjuju i na korisnike penzija koji su svoja prava ostvarili u skladu sa propisima iz oblasti boračko-invalidske zaštite.

Član 12.

(Dodatno zanimanje)

Fizičko lice može obavljati obrt kao dodatno zanimanje isključivo putem zaposlenika koji mora biti u radnom odnosu kod vlasnika obrta i ispunjavati uvjete iz čl. 9. i 10. ovog Zakona.

Član 13.

(Strani državljani)

(1) Strani državljanin može obavljati obrt ako ispunjava uvjete iz člana 9. stav (1) alineja od 2. do 4. i člana 10. st. (1) i (2) ovog Zakona.

(2) Rješenje kojim se odobrava obavljanje obrta stranom državljaninu postaje pravno valjano izdavanjem radne dozvole u skladu sa Zakonom o zapošljavanju stranaca i vrijedi za vremenski period za koji je ta dozvola izdata.

Član 14.

(Minimalni uvjeti)

(1) Obrt se obavlja pod određenim uvjetima u pogledu uređenja i opreme poslovnog prostora kao i pod drugim uvjetima propisanim ovim Zakonom i propisima donesenim na osnovu ovog Zakona (u daljnjem tekstu: minimalni uvjeti).

(2) Prostor i oprema za obavljanje obrta, osim uvjeta iz stava (1) ovog člana, moraju udovoljavati i propisima o tehničkoj opremljenosti, zaštiti na radu, zaštiti i unapređenju čovjekove okoline, zaštiti od buke, zdravstvenim i sanitarnim uvjetima, te drugim propisima koji se odnose na obavljanje određene privredne djelatnosti.

(3) Ispunjenost uvjeta iz st. (1) i (2) ovog člana pretpostavlja se podnošenjem ovjerene pisane izjave od obrtnika o ispunjavanju uvjeta (pretpostavka ispunjavanja uvjeta).